

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinsko vijeće-

K O D E K S
PONAŠANJA VIJEĆNIKA U
OPĆINSKOM VIJEĆU OPĆINE SREBRENİK

OBRAĐIVAČ: Komisija za izradu etičkog kodeksa

PREDLAGAČ: Komisija za izradu etičkog kodeksa

RAZMATRA I USVAJA: Općinsko vijeće

Srebrenik, mart 2006. godine.

Na osnovu člana 10. Zakona o lokalnoj samoupravi («Sl. novine TK», broj: 6/98, 13/99 i 7/02), člana 33 Statuta Općine Srebrenik (« sl. glasnik Općine Srebrenik », broj 11/02), Općinsko vijeće Općine Srebrenik na sjednici održanoj 30. 03.2006. godine. donosi :

K O D E K S

PONAŠANJA VIJEĆNIKA U OPĆINSKOM VIJEĆU OPĆINE SREBRENIK

UVODNI DIO

Član 1.

1. Ovim Kodeksom utvrđuje se okvir etičkih principa i standarda ponašanja i rada izabраних представника - vijećnika u Općinskom vijeću Općine Srebrenik (u daljem tekstu: vijećnici).
2. Vijećnici Općinskog vijeća Općine Srebrenik kao neposredno izabrani predstavnici svih građana u Općini, u cilju opravdanja i jačanja javnog povjerenja, ličnog i političkog integriteta i autoriteta koji pripada Općinskom vijeću Srebrenik, kao predstavničkom tijelu građana, i njima kao njegovom sastavnom dijelu, obavezuju se na poštivanje ovog Kodeksa, obavještanja javnosti o tome kakvo ponašanje može da očekuje od izabraniх представника- vijećnika te pomoći u rješavanju njihovih eventualnih etičkih dilema.
3. Principi ponašanja utvrđeni ovim Kodeksom primjenjivaće se i u izbornoj kampanji.

II OSNOVNI PRINCIPI PONAŠANJA

Član 2.

Vijećnici se obavezuju da će u cilju obavljanja svojih dužnosti u Općinskom vijeću i prema javnosti u cjelini, pridržavati se sljedećih principa:

1. Pridržavanje Ustava, Zakona, Statuta i drugih propisa,
2. Izborna kampanja,
3. Zabrana favorizovanja,
4. Sukob interesa,
5. Zabrana pogodnosti,
6. Donošenja odluka,
7. Način komuniciranja,
8. Zabrana mita i korupcije,
9. Upravljanje resursima,
10. Izbjegavanje gomilanja funkcija,
11. Otvorenost prema javnosti,
12. Profesionalno usavršavanje,
13. Finansijska disciplina,
14. Odnos prema općinskoj upravi.

II- 1 Pridržavanje Ustava, Zakona, Statuta i drugih propisa

Član 3.

Općinski vijećnici, prema odanosti i svečanoj izjavi u svim slučajevima moraju se pridržavati Ustava, Zakona, Statuta općine Srebrenik, Poslovnika o radu Općinskog vijeća Srebrenik, Kodeksa i drugih propisa, zanemarujući političku pripadnost i naklonost.

II – 2. Izborna kampanja

Član 4.

Kandidat za određenu funkciju u toku kampanje težiti će da glasove birača pridobije poštenim i argumentovanim pristupom bez nekorektnog odnosa prema ostalim kandidatima u kampanji.

II – 3. Zabrana farovizovanja

Član 5.

Vijećnici neće zloupotrebljavati svoja ovlaštenja u svrhu vlastitog interesa, odnosno interesa drugih pojedinaca ili grupa djelujući u interesu općine.

II – 4. Sukob interes,

Član 6.

Vijećnici će se u svim slučajevima pridržavati odredbi Zakona o sukobu interesa i drugih propisa koji uređuju nespojivost funkcija vijećnika sa funkcijom ili položajem u lokalnoj upravi, državnom organu ili preduzećima.

U svim slučajevima nastupanja sukoba interesa ili nespojivosti funkcija, vijećnici će odmah prijaviti takav slučaj i odstupiti sa funkcije.

Vijećnik će u svim slučajevima prijaviti da postoji sukob interesa ako se razmatra određeni akt koji treba da bude usvojen i pokome bi on ili njegovi srodnici i prijatelji, ili pravni subjekt u kome ima finansijski ili drugi interes, trebalo da ostvari kako korist ili privilegiju, a u samom odlučivanju izuzet će se od glasanja.

Vijećnik će se uredno pridržavati zahtjeva za prijavu podataka ili davanje informacija o funkcijama koje zauzima, zanimanju ili promjeni u njegovoj imovini.

II- 5. Zabrana pogodnosti

Član 7.

Pri obavljanju diskrecionih ovlaštenja, vijećnici neće za sebe, niti za druga lica pribavljati koristi, niti bilo kakve pogodnosti.

II – 6. Donošenje odluka

Član 8.

Odluka vijećnika u vršenju funkcije zasnivat će se na objektivnosti, odgovornosti i otvorenosti sa elementima uravnoteženosti za općim interesom, uz spremnost na odgovornost za svoje odluke.

II – 7. Način komuniciranja

Član 9.

Vijećnici će u ostvarivanju komunikacije, izbjegavati obmanjivanje, manipulaciju, samopromociju i neučtivost u kreiranju i vođenju dijaloga.

II – 8. Zabrana mita i korupcije

Član 10.

Vijećnici u obavljanju svojih funkcija, nesmiju primati ili davati neku naknadu, obećavati nagradu ili kakvu drugu korist ili na bilo koji drugi način se ponašati ako se to može okarakterisati kao aktivno ili pasivno podmićivanje a u vezi sa podržavanjem ili nepodržavanjem određenog prijedloga akta, a naročito ako su ti stavovi suprotni Ustavu, Zakonima, Statutu i Poslovniku općine i drugim propisima.

II - 9. Upravljanje resursima

Član 11.

Vijećnici će sa najvećom pažnjom i osjećajem sopstvene odgovornosti usmjeravati svoje ponašanje i odluke koje se odnose na finansijska sredstva i upravljanje imovinom općine, isključivo u skladu sa propisima i opštim interesom. Svojim ponašanjem neće dati povoda a niti aktivno ni pasivno učestvovati u pripremanju ili podsticati donošenje nepravilnih odluka koje bi mogle donijeti lične koristi ili ostvarenja nečijeg ličnog interesa sa kojima su povezani finansijskim ili nekim drugim interesom.

Vijećnici će se suzdržati svih akcija koje bi trebale da rezultiraju izborom, imenovanjem ili postavljenjem lica na određene funkcije a da se pri tom ne sprovode propisi, neobezbijedi postupak otvorene javne konkurencije nezavisne provjere i poštovanja principa kvaliteta, profesionalnosti, znanja i sposobnosti.

II - 10. Izbjegavanje gomilanja funkcija

Član 12.

Vijećnici će upotpunosti biti posvećeni ispunjavanju dužnosti koje im pripadaju kao neposredno izabranom predstavniku, a imenovanja na druge funkcije prihvatit će samo u onoj mjeri koja neće umanjiti njegove radne i druge sposobnosti na izvršavanje osnovnih obaveza.

II - 11. Otvorenost prema javnosti

Član 13.

Vijećnici će u svom djelovanju a i u vezi sa odlukama koje donose uvijek biti otvoreni, blagovremeno obavještavati javnost putem sredstava javnog informisanja i ni jednom svojom aktivnosti neće izbjegavati da javno i jasno saopšte svoje stavove i razloge za sopstvene odluke i ponašanja, a sve u cilju snaženja povjerenja javnosti prema državnim institucijama.

Vijećnici će prema zahtjevima medija, pošteno i u potpunosti pružati informacije vezane za obavljanje njihove dužnosti i izbjegavat će davanje povjerljivih informacija ili informacija koje se tiču privatnog života vijećnika ili trećih lica.

II - 12. Profesionalno usavršavanje

Član 14.

Vijećnici će u cilju što uspješnijeg obavljanja sopstvenih dužnosti usavršavati svoja znanja i sposobnosti, samostalnim aktivnostima, prisustvovanjima na seminarima, savjetovanjima kao i drugim oblicima edukacije.

II - 13. Finansijska disciplina.

Član 15.

Vijećnici ne mogu djelovati kao plaćeni zastupnici, pogrešno koristiti isplate ili naknade po ovlastima upravljanja javnim prihodima.

II – 14. Odnos prema općinskoj upravi

Član 16.

Vijećnici će vlastitim ponašanjem onemogućiti imenovanja državnih službanika i namještenika suprotno zakonskim propisima.

Vijećnici će podsticati i razvijati motivacione elemente da svi zaposleni rade brzo i efikasno, stručno i odgovorno, zakonito, pouzdano i kreativno

III OBLAST NADZORA

Član 17.

Vijećnici neće sprečavati bilo koju mjeru nadzora koju budu vršili nadležni organi uz uvažavanje izrečene privremene ili konačne odluke.

Vijećnici će biti odgovorni lokalnom stanovništvu u mandatnom poeriodu na koji su izabrani.

IV SVEČANA IZJAVA

Član 18.

Prilikom preuzimanja dužnosti, vijećnici daju svečanu izjavu kako je to predviđeno zakonskim i podzakonskim aktima i potpisuju posebnu izjavu o prihvatanju i obavezi poštovanju ovog kodeksa.

V PRAĆENJE PRIMJENE KODEKSA

Član 19.

Praćenje i nadziranje Kodeksa ponašanja vijećnika vršiće Etička komisija časti, imenovana od strane Općinskog vijeća.

Broj i sastav članova komisije iz prethodnog stava utvrdit će Općinsko vijeće Odlukom o imenovanju ovog tijela.

Etička komisija donosi Poslovnik o svom radu.

Član 20.

Svaki građanin ima pravo i mogućnost podnositi predstavke i žalbe za sve oblike kršenja pravila ovog Kodeksa.

Predstavke i žalbe podnose se u pismenom obliku i moraju biti potpisane od strane podnosioca predstavke i žalbe sa potpunim podacima.

Predstavke i žalbe građana razmatra Etička komisija casti koja je ovlaštena da provede potpun dokazni postupak osnovanosti podnešene predstavke i žalbe i nakon toga odlučuje dali postoji povreda neke od odredbi ovog Kodeksa.

Ako komisija zaključi da nije bilo povrede odredbi ovog Kodeksa o tome će obavijestiti podnosioca, a Općinsko vijeće će o takvim slučajevima obavještavati najmanje šestomjesečno.

Ako komisija zaključi da je određeni vijećnik učinio povredu odredbi ovog Kodeksa podnijet će detaljan izvještaj Općinskom vijeću sa prijedlogom o izricanju određene mjere.

Član 21.

Predsjedavajući Općinskog vijeća se stara i odgovoran je za stavljanje na dnevni red izvještaja i prijedloga komisije u skladu sa odredbama ovog Kodeksa.

Razmatrajući izvještaj sa prijedlogom komisije Općinsko vijeće odlučuje o vrsti i izricanju mjere, osim ako samo Općinsko vijeće ne priloži dokaze kako u konkretnom slučaju nije bilo povrede Kodeksa.

Odluku o izricanju mjere Općinsko vijeće donosi većinom glasova od ukupnog broja vijećnika.

Protiv odluke o izricanju mjere vijećnik kome je izrečena mjera može izjaviti pismeni prigovor Općinskom vijeću u roku od 15 dana od dana prijema odluke.

Općinsko vijeće o prigovoru odlučuje na prvom sljedećem zasijedanju.

Član 22.

Za povredu odredbi ovog Kodeksa mogu se izreći sljedeće mjere:

- opomena,
- ukor uz objavljivanje izvještaja i odluke Općinskog vijeća,
- novčanu kaznu u iznosu 50% mjesečne naknade (paušalni iznos) na vrijeme od tri do šest mjeseci.

Za prvu povredu Kodeksa izriče se opomena.

Za drugu povredu Kodeksa izriče se ukor

Za treću i više povreda Kodeksa izriče se novčana kazna.

Mjera ukora i novčana kazna objavljuje se na oglasnoj tabli općine Srebrenik i u lokalnim sredstvima javnog informisanja, «Službanom glasniku općine Srebrenik».

O izrečenim mjerama za povredu ovog Kodeksa vodi se evidencija u Stručnoj službi Općinskog vijeća.

VI PODRŠKA KODEKSU

Član 23

Vijećnici će se upoznati sa sadržajem i suštinom ovog Kodeksa te njegovim principama uz izjavu da ih prihvatanju i podržavaju.

Stalna obaveza vijećnika je da svojom aktivnošću osiguraju promociju ovog Kodeksa kako u javnosti tako i u medijima.

Član 24.

Ovaj Kodeks stupa na snagu osmog dana od dana objavljivanja u «Službenom glasniku općine Srebrenik».

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinsko vijeće –

Broj: 01-188/06.
Srebrenik, 30.03.2006.godine.

PREDSJEDAVAJUĆI VIJEĆA

Prim.dr Ibrahim Zukić